



SUMMATIVE ASSESSMENT – Quarter 3
EDUKASYON SA PAGPAPAKATAO 9

Panuto: Basahin at unawaing mabuti. Isulat sa ang pinakaangkop na sagot.

_____ 1. Sino ang isang bulag ang matagumpay sa pagsasakatuparan ng kaniyang mithiin sa buhay?

- A. Roselle Ambubuyog
- B. Leonardo da Vinci
- C. Roselle Nava
- D. Aristotle

_____ 2. Ang sumusunod ay mga katangian na dapat taglayin ng isang tao upang maisabuhay ang kagalingan sa paggawa maliban sa:

- A. Pagkakaroon ng pambihirang lakas
- B. Pagtataglay ng positibong kakayahan
- C. Pagsasabuhay ng mga pagpapahalaga
- D. Pagpupuri at pagpapasalamat sa Diyos

_____ 3. Pangarap mong umangat ang iyong estado sa buhay. Ano ang dapat mong gawin upang maabot ito? A. Maging masipag, mapagpunyagi, at magkaroon ng disiplina sa pagamit ng oras

- B. Maging matalino, marunong magdala ng damit, at magaling makipag-usap
- C. Magkaroon ng kakayahang kontrolin ang sarili sa lahat ng pagkakataon
- D. Magkaroon ng kaalaman sa paghawak ng pera at paraan ng paggastos

_____ 4. Maganda ang pagkagawa ng pamilya ni Suzanne sa mga bag na yari sa tetra pack ng juice. Mabili ang mga ito lalo na ang may iba't ibang kulay at disenyo. Ano ang ipinakikita ng sitwasyong ito?

- A. Nagkakaroon ng kadahilanan ang tao upang mabuhay
- B. Nagiging malikhaing ang tao sa paggamit ng kaniyang mga kakayahan
- C. Nakagagawa ng paraan ang tao upang iangat ang kaniyang pamumuhay
- D. Nagkakaroon ng pagkakataon ang tao na magsama-sama sa mithiin ng lipunan

_____ 5. Hindi naging madali kay Ginang Ramos ang pagpaunlad ng negosyong online selling. Sa kabila ng mga pagsubok, napagtagumpayan niya ito. Paano hinarap ni Ginang Ramos ang paghihirap na dinanas kaya siya nagtagumpay?

- A. Pinag-aralan ang sitwasyon at pinag-isipan ang gagawing hakbang
- B. Pinaniniwalaan niyang ang lahat ay hamon na kailangang malampasan
- C. Pinaniniwalaan niyang ang pagkabigo ay paraan ng pagsusulit sa kaniya
- D. Pinaniniwalaan niya na ang pagkadapa ay hindi senyales upang tuluyang malugmok



_____ 6. Bakit mahalaga ang kalidad o kagalingan sa paggawa na may kasamang wastong pamamahala sa paggamit ng oras?

- A. Dahil sa pagsasagawa maisasabuhay ang layunin ng tao
- B. Dahil sa pagsasagawa mapatunayan ang natatanging halaga ng tao
- C. Dahil sa paglikha ng produkto nangangailangan ng maraming oras upang masanay at magkaroon ng kahusayan
- D. Dahil dito naisakatuparan ng tao ang kaniyang tungkulin sa sarili, kapuwa at sa Diyos gamit ang oras na ipinagkatiwala sa kaniya

_____ 7. "Ang oras ay kaloob na ipinagkatiwala ng Diyos sa tao," Ano ang kahulugan nito?

- A. Masuwerte ang tao dahil binigyan siya ng oras.
- B. Nagmamay-ari ang tao sa oras dahil ipinagkakaloob ito sa kaniya.
- C. Malaya ang tao na gamitin ang oras para sa lahat ng bagay na gusto niyang gawin.
- D. Tungkulin ng taong gamitin ang oras nang mapanagutan para sa kabutihang panlahat.

_____ 8. Ano ang maipapayo mo sa mga taong gustong makamit ang tagumpay sa buhay?

- A. Alamin ang mga sariling salik, maging masinop, mapagpunyagi at magtiwala sa sarili
- B. Alamin ang gusto at hilig at maging masipag, madiskarte at matalino
- C. Magkaroon ng pananampalataya at disiplina sa sarili
- D. Pahalagahan ang sarili, kapuwa, at bansa

_____ 9. Si Nelia ay tagaluto at tagahugas ng plato sa pinapasukang karinderya pero hindi siya nagrereklamo at nagpapabaya sa kaniyang tungkulin. Alin sa sumusunod na pananaw ang isinasabuhay ni Nelia sa kagalingan niya sa paggawa?

- A. Pagkilos nang buong puso
- B. Pagkaroon ng kasiyahan, pagkagusto at sigla sa ginagawa
- C. Pag-iwas sa problema na magiging sanhi ng pagkaalis sa trabaho
- D. Pagiging malikhain sa pamamaraan ng paggawa upang hindi mapagod

_____ 10. Malapit na ang pista ng lungsod, abala na ang mga gumagawa ng mga palamuting dekorasyong siguradong mabenta. Ano ang magandang motibasyon na dapat isaalang-alang ng gumagawa ng mga ito?

- A. personal na kaligayahan na makukuha mula dito
- B. materyal na bagay at pagkilala ng lipunan
- C. pag-unlad ng sarili, kapuwa, at bansa
- D. kalooban at kagustuhan ng Diyos

_____ 11. Ito ay pagtitiyaga na maaabot ang mithiin sa buhay na may pagtitiis at determinasyon.

- A. Kasipagan
- B. Pagpupunyagi
- C. Pagsisikap
- D. Katatagan



St. Anthony's Academy, Inc.

**Real Street, Brgy. 08,
Llorente, Eastern Samar 6803**
E-MAIL: stanthonyacademyinc@gmail.com

Care
Character
Christ-centered

_____ 12. "Marami ang nagtuturing na mahirap itong buhay, Araw-araw ay paggawang tila rin walang humpay; Datapwat isang pantas ang nagbadya at nagsaysay; Tagumpay ay nakakamit kapag tao ay masikhay." Ano ang ibig sabihin nito?

- A. Kahit mahirap ang buhay, ang tao ay dapat maging marangal.
- B. Mahirap ang buhay kaya't ang tao ay kinakailangan na magtiis.
- C. Sa kabila ng kahirapan, ang tao ay kinakailangan na maging masipag.
- D. Mahirap man ang buhay ang tao ay hindi dapat mawawalan ng pag-asa.

_____ 13. Ano ang sinasabi ng Teorya ni Maslow, The Hierarchy of Needs, tungkol sa pera?

- A. Ang pera ay dapat nating ingatan at huwag sayangin.
- B. Ang pera ay nagsisilbing pantulong sa araw-araw na pangangailangan.
- C. Ang pera ay tumutulong na maramdaman ng tao ang kaniyang seguridad sa buhay.
- D. Ang pera ay nagbibigay ng kasiguraduhan sa tao na maging maayos ang kaniyang buhay.

_____ 14. Ang kasipagan ay tumutulong sa tao upang mapaunlad niya ang kaniyang pagkatao. Ano ang ibig sabihin nito?

- A. Magkaroon ng mabuting ugnayan sa kapuwa
- B. Gagawa ng isang bagay na makapagpasaya sa sarili
- C. Ipagmayabang sa buong mundo ang sariling kakayahan
- D. Malinang ang mabubuting katangian tulad ng tiwala sa sarili, mahabang pasensiya, katapatan, integridad, at disiplina sa sarili

_____ 15. Marami kang bibilhin na kagamitan para sa mga proyekto sa paaralan. Paano ka makaiimpok ng pera upang hindi ka na hihingi sa iyong mga magulang?

- A. Simulang ipunin ang sobrang baon araw-araw
- B. Tiisin ang gutom at hindi kakain sa recess
- C. Magpalibre sa mayayaman na kaklase
- D. Magpasuhol sa bawat ipagawa ng iba

Inihanda ni:

sir thany calzita



St. Anthony's Academy, Inc.

Real Street, Brgy. 08,

Llorente, Eastern Samar 6803

E-MAIL: stanthonysacademyinc@gmail.com

Care
Character
Christ-centered
